

Christu sungah kong it thuzui nu le pa, u le naute, i Christian nuntakna ah, Pasion it in, upna lamah picing zungkip a, i khantoh theih semsem nadingin, thungetna tawh i nuntak kinken ding Lai Siangtho masa sunga Solomon nuntak zia in hong hilh hi. Solomon in a pa David kumpi gam hong luah ciangin, amaa kicintak lohna leh a vaipuak lianin agik mahmah lam hong telsiam ahih manin, Jerusalem pan a gamla lo, Thukham Singkuang omna Gibeon khua Pasion tungah thupha ngen ding leh biakna a pia dingin hong paipah hi. Tua ciangin, Pasion in, Solomon tungah: Na deih bang hong ngen in, kong pia ding hi (1 Kings 3:5) hong ci hi. Pasion in hih bangin maipha apiak hangin Solomon in ama aituum phattuum nading ahi hauhna, khansauna, galte tungah zawhnate ngen loin a gam a lei, amipihte tungah itna leh thuman thutang tawh a uk zawh nadingin pilna na ngen hi. Hibanga a ngetna a hangin: Pasion deihna leh a vaihawmsaknate a sep zawh nading lungsim khuavak leh thatang hatna a ngen ahi hi. Amah in kiniam khat takin Topa tungah asia leh apha a khentel theih nading bek a nget pen Topa in paakta mahmah hi (1 Kum 3:9). A namtui, Topa' santheih a thungetna pen, hoihsa-in, thukimpah ahih manin, amaa khang khat ciangin zong, midangte bat ngeiloh dingin a lamdang pilna ciimna banah, hauhna, vangliatna leh minthannate hong piak beh lai hi (1 Kings 3:5-12). "Ama deihna le ama gam zong masa un. Tua hi leh a dangte hong kipia thuah lai ding hi" acih tawh hong kituak mahmah hi (Lk 12:31).

ahijoyin Tua ahih amanin, ei Christiante in Pawlpi sung ahi a, kumpi nasepna lamah hitaleh, a diakdiakin panmun ala ding khangnote in Solomon kumpipa lungsim puakzia i neih ding, i etteh ding kisam phamahmah hi. Thu i nget ciangin huaihamna leh angung kualna bek tawh ngen loin, i kisap taktakte leh midangte phattuum nading, i gam i lei, i mipihte phattuum nading ahih ding kisam hi. Topa in Solomon' thungetna lungkim takin sanga, a nget loh hauhna leh kilemna nangawn pia thuah lai mah bangin, eite in zong Pasion tungah upna leh muanna lianpi tawh i dung i vai neih khempeuh Amaa' khutkuak muanhuai sungah ap siam leng, Topa'n i lamet ngamloh thupha hehpihna tampitak hong pia ding hi cih thu phawksiam telsiam ni.

Tuni Lungdamna Lai Siangtho in, Vantung gam pen lo lai a kiseelsim Van manpha leh a hoih mahmah Kep manpha tawh hong genteh hi. I Lai siangtho in eite Pasion' ukna sungah i om manin bangzah takin i hamphatna lian a, ama aading i kipumpiakna sanga a lungdam huaizaw leh a angan huaizaw bangmah dang om nawnlo cih hong theisak hi. Lo lai ah suang manpha a mupa in aneih a lam khempeuh zuakin tua suangmanpha omna lo a lei mah bangin, eite in zong tua suang manpha sanga, amanpha zaw Pasion' ukna sungah i lut nading leh i om tawntung theih nadingin, thuak ding a kisam hamsatna khempeuh i thuak masak kul hi cih zong, hong theisak ahi hi. Bang hangin Pasion' ukna gam in hih zah takin manpha ahiam i

Pg-1

Tua ciangin athoto Topa sem in Mary ci-in a min tawh hong sapteh, Rqb. Sia aw, to m, kiam, n, l, y, a mabe rap' in meh meh do sayna leh dawzate hong nelub hi.

nungta suangte bangin kha tawh kisa biakinn lamna ah na kihel ciat un. Jesu Christu' hangin Pasion in deihin a san theih ding kha lamah biakpiakna a pia dingin a siangtho siampi nam na suak un" (1 Pet. 2:5) hongcih nate phawkin nuntakpih ni. Ms. Mary Magdalene in, a nuntakna a kikhelsak leh nuntakna thak a pia, a it mahmah Topa Jesu' hanah va kap ngetngut hi. A thoto Topa Jesu a muh dong hong kilat dong khitui namtui nulliang in kah citakin kap hi. Topa'n hong hehnem hi. Dahna khituite lungdamna khitui hong suaksak hi. Tua mah bangin eite in zong, Mary Madalene mah bangin, i nuntakna ah Topa' thupha ngah nading ciang bekin thungen loin, Topa mahmah tawh kimu a, i nuntakpih nadingin, nisimin thu ngetna tawh Topa zong tawntung ni. "Vanglian Pasion pen nangma ngun leh kham hisak lecin, deih teng lii bang cinna vanglian Pasion sungah na lungkim ding hi" hong ci (Job 22:25-26) Job i hong thuhilhna zong nuntak pih ni.

Ute naute tu ni Misiangtho Joachim le Anna paw i ahih mah bangin gamsung gampua a om nu le pate, Joachim le Anna min nei nu leh pate khempeuh 'Happy Feastday' ci-in hong nohset ing.

Tate in nu le pate zahtak ding, a thu uh aman ding pen Topa' deihna ahih lam Lai Siangtho lui sung leh, a thak sung mun tampi ah i mu hi. Pasion' in Thupiak namsawmte lakah nambat lina ah, "Topa na Pasion in hong piak gamah na khan asau theih nadingin na nu le na pa zahtak in" (Pai 20:12) na ci hi. Misiangtho Paulu in zong Ephesians thuzuite tungah hih bangin na hilh hi." Tate aw, Topa' sungah na nu na pate uh thu na mang un. Bang hang hiam cih leh, tua bang gamtatna in thuman gamtatna ahi hi. "Na nu na pa zahtak in" - cih thupiak kamciam masa bangin, na nu le na pa na zahtak leh, a nuntak nuamin leitung ah na khan a sau ding hi,". Pate aw, na tate uh ahehna dingin na bawl kei un, ahi zongin Topa' deihna tawh kituakin taai-in hilh unla, na pantah un (Eph 6:1-4) cih Ms. Paulu hong hilhthute zuih siam ni.

Tua banah, Pope Francis in zong: "Nu le Pa te aw, na tate uh etteh huai dingin nungta unla, tua nuntakna tawh Upna khaici na vawh un. Pawlpi in Tuisawpna tawh na tate tungah Upna khaici hong vawh khin hi. Tua Upna khang semsem in, amau Upna pen midangte tungah teci apan zawh nadingun no Nu le Pa te in vaipuak na nei uh hi" hong ci lai hi. Sirach Lai Siangtho 3:1-16 na sungah nu le pa azahtakte tungah bang thupha teng tung dinga, a sim mawhte tungah bang thusia teng tung ding cih kiciantak leh siang takin i mu hi. *Hong cih ni ah, lazia*

"Ka tate aw, na pa uh thu hong ngai un, ka gen bangin na gamtat uh leh na suakta ding uh hi. Bang hang hiam cih leh Topa in tate' sangin pa liansakzaw a, a tapate' sangin a nu' thuneihna liansak zaw hi. A pa a zahtakte in a mawhna dap uh a lohloh hi a, a nu a zahtakte in neih le lamh a kholkhol tawh kibang hi. A pa a zahtakte in a mau' tate tawh nuamsa khawm ding uh a, a thu ngetnate uh Topa' in sang ding hi. A pa a zahtakte a khansau dinga, a nu a lungdamsakte in Topa' thu a mang ahi uh hi. Tua bangin nu le pa akemte in Topa' nasem ahi uh hi. Na kampauna le na gamtatna tawh na pa zahtak lecin ama' thupha na tungah hong tung ding hi. Bang hang hiam cih leh pa' thupha in tate' khang khat kikhom a, ahih hangin nu' ciamsiatna in

Pg-3

cih ciangin deih teng lii bang a kicinna vantung gamah Topa tawh mangkhawm tawntungin, Ama pianzia ahi bangin i muh ding man ahi hi.

Eite in mawhnei mi hi-in a siangtho mahmah Pasion tawh amangkhawm tawntung dingin i kilawmna mal khat, neng khat zong om lo hi. I mawhna bangzah takin lianin tam mah taseleh, Ama hong itna tamzaw, lianzaw veve ahih manin i mawhnate hong maisak, i kilawm lohate khempeuh hong siansuah in amah tawh a kilawm dingin hong bawl man bek ahi hi. Tua hi a i hamphatna kam tawh kigen zolo, lai tawh zong kigelh zolo hi. Topa in Solomon kumpipa a lapsang mah bangin, tuni nang leh kei zong Topan hong lamsangin, i nget te hong piak banah i nget lohpi, i kisap, i phawkkhak loh te nangawn zong hong pia thuah lai ahih lam phawkin, i lungsim tawng panin Topa tungah lungdam ko tawntung ni. Tua ahih manin, Pasion' gamnuam i luah theih nadingin, bei nadingte ah beingam, sup nadingte ah sumngam a, thuak ding a kisam hamsatna khempeuh zong thuak ngam in, ama hong makaihna lampi zui, den ni. *(nisim nuntakna, i khua sung i tui sung leh i Pawlpi leh kipawlina khempeuhte ah, a sia leh apha, mi hoih leh mi gilo, mi citak leh mi zulhzau cih te pen i nunna ni a taan lai teng a om khawm, a ton khawm den ding ahi hi. A sia a om manin a hoih leh a phate hong kilang a, mi gilote a om mah bangin, mihoih mipha leh mi nunnemte hong kilang ahi hi. Singlamteh tungah itna sang pen hong lakin, mawh maina hong pia Topa tawh thusia lasiate pen thuhohi thuphate tawh zo ding a cih nopna ahi hi. Tua ahih manin, Pasion in, hoihlohna leh gitloh satlohna tawh a kidim i sim leitungah, hoihna phatna leh ki-itna tawh a kidim Amaa' gam hong phut ahi hi. Leitung thu bek tawh buai nawnlo-in, Vantung gam, i suang manpha mah ngaihsut bel in nei ni. A leitai a awmtal upna bek tawh nungta nawnlo-in, Pasion gam leh amaa' dikna ngaihsun den zaw ni. Tua hi leh Ms. Paulu tawh a kibangin, "Keimah in Jesu Christu ka Topa ka theihtelna a manphat luatna hangin, na khempeuh sup ngam zawk dingin ka ngaihsun hi. Ama hangin na khempeuh ka nusia khin a, Christu ka neih nadingin, tua nate khempeuh nin bulomtang bang lelin ka ngaihsun hi (Phil 3:8), bang mah in, Topa' itna tawh hong khen zo kentei i ci ngam ding hi.*

Tua tawh kizawi tawnin, Ms. Paulu in, Christiante nuntak zia ding hi bangin hong hilh lai hi, "Eite in gimna i thuak ciangin, i lungdam hi. Bang hang hiam cih leh, gentheih haksatna in, thuakzawh hatna hong pia hi. Thuakzawh hatna in, nuntakzia hong ngahsak a, tua nuntakzia in, lametna kicing hong neisak hi", hong ci ngeu hi (Rm. 5:3-4). "Tua ahih manin, eite' kimkot ah hihzah taka tam teci meipite in hong umcih ahih manin eite hong dongtangsak thei na khempeuh le eite hong awhcip thei mawhna khialhnate khempeuh paikhia-in, eite' mai-a om tai kidemna kung i tun dongin lungkia lo-in tai ni", (Heb. 12:1-20) ci a hong hanthawtnate telsiam zuihsiam ni.

Tua mah bangin, Ms. Petru in zong, nuntakna Pasion' Kammal leh Singlamtek nuntakna hangin, i Christian nuntakna ah gimna tawlina, gilkiat dangtak, haksatnate in lungkiatna ding hi loin, lametna, lungnop lung muanna leh kha thahatnate hong piakna hi zaw hi cih thu i telsiam nadingin, hi bangin hong hilh hi, "Note zong a

Pg-2

hong ciante zong lecin leia sak kei ni.

innkhua bulpi kipuksak hi. Na pa' maizumna ah lungdam kei in, na pa' minsiatna hangin minphatna na ngah lawh tuan kei ding hi. Bang hang hiam cih leh mi khat vang neihna in a pa a zahtakna panin hong piang hi, a nu a zahtak lote migina lo ahi hi. Ka ta aw, na pa a teek ciangin kem inla khoi in, a nuntak sung tawntung khasiasak kei in. A diakdiakin amah teekin a ngaihsutna a kicin nawn loh ciangin hehpih in, cidam a na thahat lai-in amah zahpih kei in. Na pa' tungah na thusiamnate kimanggilh ngei lo dinga, tua in na mawhna sawp siangna hi ding hi. Na cihmawh hun ciangin Pasion in hong phawk dinga, ni a sat ciangin vukte a tuisuak mah bangin, na mawhnate hong sawpsiang ding hi. A pa a pampaihte in Pasion' tungah a paukialte' sangin siazaw a, a nu a khasiasakte in Pasion' samsiatna a ngah ahi hi", ci-a, Sirah Lai Siangtho hong hilhna ciinsiam zuisiam ni.

Khansauna pen nu le pa a zahtakte tunga a tuam mahmah a Topa piak thupha ahihmanin, i leitung pasian ahi i nu i pate tungah tate in itna, zahtakna i piak ding Topa hong piak i vaipuak ahihlan thei-in mang ciat ni. A zenzen in a beisa hun sungah i nu i pate a khasiasak i om khak leh tuni mahmah in thumna, tauna, mawhmaisaknate nget ding hi hang. Tua bangin hih kei leng i nu i pa in aheh luat manin kamsia, muksia khat peuh hong paih kha leh tate in i khang tawn a, i khom ding thu ahi hi. Ei zomite in zong paunak hoih mahmah khat i nei a, "Nu le Pa thumang lo anah lawh peek lo" i ci hi. Cihnopna ah pianna nu le pa zahtak lo, a en nuamlo, a don nuamlo, a thuhilhna uh amang nuam lote bangzahin a pil a siam a, bangbang a sem a bawl zongin ama pai thei lo, a dau pai lo, kuitung zo tuan lo, lawhcing thei ngeilo cih thu a thakin phawkin i nu i pa pil taleh mawl taleh zahtakna pia ciat ni.

Ms Joachim leh Anne te tungtawn in, Pasion in Tonu Maria hong piak banah, Tonu tungtawn in Pasion in eite hong gumkhia ding Honpa Jesu hong pia lai hi. Mi siangtho Joahim le Anne te huhna ngen in, amau nuntakna te etteh mailam i nuntakna ah Nu Hoih, Pa Hoih i suah nading, tate zong Ta Hoih, Tanu Hoih i suah zawh nading le Innkuan Hoih i suahzawhna ding in i innkuan in thungen khawm in hanciam ciat ni.

Pg-4